



УВСЫН ӨНГӨ

Төрөлх нутгаа хөгжүүлбэ.

Вэб сайт: www.uvsinungu.mn
Фасебуук хаяг: [Uvsin_ungu_sonin](https://www.facebook.com/Uvsin_ungu_sonin)
Майл хаяг: uvsin_ungu@yahoo.com

Увс аймгийн нийгэм, улс төр, мэдээллийн 10 хоног тутмын чөлөөт хэвлэл

№02/193/

Үнэ: 500 төгрөг. 2021 оны 02 дугаар сарын 01.

Мэндчилгээ



Эрхэм хүндэт Монгол ахан дүүс, Увс нутгийнхан, азаа буурлууд та бүхнийхээ амар амгаланг эрэн мэндчилье. Төмөр хулгана жилээ амжилт бүтээлээр дүүрэн үдэж, цагаагчин үхэр жилээ өөдрөг сэтгэлээр угтаж буй та бүхэндээ Хаврын тэргүүн сарын Шинийн

нэгний билэгт сайн өдрийн мэндийг өргөн дэвшүүлье. Улиран одож буй хулгана жил Увсчууд бидэнд үр өгөөж, хишиг буянаа хайрласан, сургамж, ухаарлыг үлдээсэн он болон өнгөрч байна. Орон нутгийн сонгуулийн үр дүнгээр байгуулагдсан шинэхэн аймгийн ИТХ-аас цар тахлын нөхцөл байдалтай уялдан аймгийн ИТХ-ын хуралдааныг цахим болон танхим хосолсон хэлбэрээр амжилттай зохион байгуулж, “Увс аймгийг 2021-2025 онд хөгжүүлэх таван жилийн үндсэн чиглэл”, “Аймгийн ИТХ-ын 2020-2024 оны үйл ажиллагааны үндсэн чиглэл”, “Аймгийн Засаг даргын 2020-2024 оны үйл ажиллагааны хөтөлбөр” зэрэг бодлогын баримт бичгүүдийг батлан хэрэгжүүлж байна. Мөн “UBC” брэндийг хөгжүүлэх замаар Увс аймагт үйлдвэрлэгдэж буй бүтээгдэхүүнийг нэгдсэн нэг

брэндийн бодлоготойгоор гадаад, дотоодын зах зээлд таниулах, борлуулалтын нэгдсэн сүлжээ үүсгэн үйлдвэрлэл, үйлчилгээ эрхлэгчдийг дэмжиж, аймгийн эдийн засагт орлогын шинэ эх үүсвэрийг бий болгоход чиглэн ажиллаж байна. Тэрчлэн “ШИНЭ ХӨДӨӨ-УВС” төслийг хэрэгжүүлэхэд Олон улсын төсөл хөтөлбөрийн байгууллагуудын оролцоог хангаж, уялдаа холбоотой хамтран ажиллаж байна. “Ковид-19” цар тахлаас урьдчилан сэргийлэх, эрсдэлийг бууруулах зорилгоор 17 дугаар жарны цагаагчин үхэр жилийн Цагаан сарын баярыг Улсын хэмжээнд нийтээр тэмдэглэхгүй байх Засгийн газрын тогтоол гарсантай холбогдуулан та бүхэн ёс заншлаа гүйцэтгэн, азай буурлуудынхаа амар мэндийг эрж, цахимаар золголт хийхийг Увс аймгийн



удирдлагын зүгээс уриалж байна. Бид ямар их хариуцлагатай ард түмэн болохоо энэ Цагаан сараар харуулцаа. Эрх чөлөөт Монгол хүн та өлзийт жилийн ерөөл билэг хэлэлцэн, өвөг дээдсээ хүндэтгэн, сайхан битүүлж, Сар шинэдээ сайхан шинэлээрэй.

Увс аймгийн

ИТХ-ын дарга Ц.Батболд

Засаг дарга Ч.Чимэд

Хязгаарлалтын дэглэмийг цуцаллаа

Өнгөрсөн 1-р сарын 27-ны өдрийн 11 цагаас эхлэн аймгийн хэмжээнд тогтоосон хязгаарлалтын дэглэмийг 1-р сарын 30-ны өдрийн 8.00 цагаар тасалбар болгон цуцлалаа. Учир нь Улаанбаатар хотоос аймгийн иргэдээ татан авах үйл ажиллагааны үеэр Зүүнхангай суманд ирсэн нэг иргэнээс коронавирусний сэжигтэй тохиолдол илэрсэн юм. Энэ дагуу холбогдох шинжилгээг авч мэргэжлийн байгууллага руу илгээсэн бөгөөд шинжилгээний хариу сөрөг гарсан. Иймээс мэргэжлийн байгууллагын санал, дүгнэлтийг үндэслэн аймгийн хэмжээнд тогтоосон хязгаарлалтын дэглэмийг цуцлаад байна. Хязгаарлалтын дэглэмийг цуцалсантай холбогдуулан 2020 оны 12-р сарын 31-ний өдөр аймгийн Засаг даргын гаргасан захирамжийг хүчин төгөлдөр хэвээр мөрдөхийг үүрэг болголоо. Үүнд: -Өндөржүүлсэн бэлэн байдлын зэрэгт шилжсэнтэй холбогдуулан нийтийг хамарсан хурал, зөвлөгөөн, сонгон шалгаруулалт, боловсрол, соёл урлаг, шинэ жилийн болон тэмдэглэлт ойн үйл ажиллагаа зохион байгуулахгүй байх, спортын уралдаан тэмцээн, сургалт, дугуйлан, фитнес, сүм хийд шашны байгууллага, караоке, баар, РС тоглоомын үйл ажиллагааг хязгаарлах.



-Барааны зах болон дэлгүүр, барилгын материалын дэлгүүр, үсчин гоо сайхан, цайны газар, ресторан, зочид буудал, дэн буудал болон үйлдвэрлэл үйлчилгээ явуулж байгаа аж ахуйн нэгжийн үйл ажиллагааг өдөр бүрийн 09 цагаас 18 цаг хүртэл, супермаркет, хүнсний томоохон худалдааны төв, дэлгүүрийн ажиллах цагийн хуваарийг өдөр бүр 08 цагаас орой 20 цаг хүртэл ажиллуулах, -Архи согтууруулах ундаа худалдан борлуулах түүгээр үйлчлэх үйл ажиллагааг өдөр бүрийн 15 цагаас хойш хязгаарласан хугацааг тус тус хэвээр үргэлжлүүлэхээр боллоо.

Цар тахлын үеийн шимтгэл төлөлт

Нийгмийн даатгалын шимтгэлийн хөнгөлөлт, чөлөөлөлтөд Увс аймгийн иргэд, аж ахуйн нэгжүүдийг хамруулах үйл ажиллагаа 2021 онд үргэлжлэн хэрэгжиж байна. "Коронавирусний дэгдэлт, хөл хорионы улмаас иргэдийн орлого буурсан хүнд үед нийгмийн даатгалын шимтгэлээ таслалгүй төлөхөд нь дэмжлэг болгох зорилгоор 2020 онд нийгмийн даатгалын шимтгэлийн хөнгөлөлт, чөлөөлөлтөд иргэд, аж ахуйн нэгжүүдийг хамруулсан. Энэхүү арга хэмжээг 2021 онд үргэлжлүүлэн хэрэгжүүлж байна. Ингэснээр сайн дурын даатгуулагчид сар бүр төлөх шимтгэлээсээ 25200 төгрөг хөнгөлүүлэх бол аж ахуйн нэгж байгууллагын ажиллагсад цалингийнхаа 2 хувьтай тэнцэх хэмжээний шимтгэлийг төлөхөөс чөлөөлөгдөж

байгаа юм. Аж ахуйн нэгж байгууллагын хувьд цалингийн сангийнхаа 3-5 хувиар хөнгөлөлт эд л э х э э р байна. Энэхүү хөнгөлөлтөд 2020 оны 3-р сарын 25-ны өдрөөс өмнө нийгмийн даатгалд хамрагдаж байсан бүх иргэн, аж ахуйн нэгжүүд хамрагдах боломжтой тул та бүхэн боломжийг бүү алдаарай" хэмээн аймгийн Нийгмийн даатгалын хэлтсийн дарга А.Оюунтулхүүр манайд мэдээллээ.



Баянхонгор аймгийн малчдад мянган

боодол өвс бэлэглэлээ

Бөхмөрөн сумын “Ачит нуурын арвин хишиг” хоршооны хамт олноос өвөлжилт хүндрээд байгаа Баянхонгор аймгийн малчдад зориулж мянган боодол өвсийг чин сэтгэлийн үгтэй захидлын хамт хүргүүлсэн байна. Энэхүү үйл явдалтай холбогдуулан Баянхонгор аймгийн Засаг дарга Д.Мөнхсайхан тус хоршооны хамт олонд баярласан талархсанаа цахим орчинд илэрхийлсэн байна. Тодруулбал: “Увс аймгийн Бөхмөрөн сумын “Ачит нуурын Арвин хишиг” хоршооны хамт олноос

Баянхонгор аймгийн малчдад илгээсэн 1000 боодол өвсийг захидлын хамт бид хүлээж авлаа. Байгалийн энэ хүнд хэцүү бэрхшээлтэй нүүр тулсан манай малчдын нөхцөл байдлыг сайтар ойлгон сайхан сэтгэлийн дэмжлэг үзүүлсэн явдалд Увс аймгийн Бөхмөрөн сумын “Ачит нуурын Арвин хишиг” хоршооны гишүүдэд чин сэтгэлийн талархал илэрхийлбэ. Та бүхнийг хүндэтгэсэн Баянхонгор аймгийн Засаг дарга Д.Мөнхсайхан” хэмээн тэрбээр “Нээлттэй засаг-Нэг Баянхонгор” цахим хуудсанд бичжээ.

Хууль сахиулах байгууллагын удирдлагуудтай шуурхай хурал хийлээ



0245-р ангийн удирдлагууд 12 сарын эхээр онгоцоор ирсэн дипломат ачааг хүргэх зорилгоор зохион байгуулсан, бусад мэдсэн байх ёстой газруудад мэдэгдээгүй, тодорхой заавар зөвлөгөө аваагүй, гүйцэтгэсэн тухайн тагнуулын ажилчид цар тахлын онцгой үеийн дэглэм зөрчсөн байгааг хэллээ. Цар тахлын үеийн өндөржүүлсэн бэлэн байдлын зэрэгт ажиллаж байгаа энэ цаг үед халдвар хамгааллын дэглэм

зөрчигдсөн үйл ажиллагаа явагдсанд аймгийн Засаг дарга бөгөөд Онцгой комиссын дарга Ч.Чимэдийн зүгээс нийт иргэдээсээ уучлалт хүсэж, дараах арга хэмжээг шуурхай зохион байгуулахыг холбогдох газрын удирдлагуудад үүрэг болгосон юм. Үүнд: -Тухайн бичлэг дээр гарснаар үүрэг гүйцэтгэсэн ажилчид хорио цээрийн дэглэм зөрчсөн гэдэг нь харагдаж байгаа тул Тагнуулын газрын 2 ажилтанг яаралтай тусгаарлалтанд оруулж, түргэвчилсэн шинжилгээ авч ажиллахыг Эрүүл мэндийн газар болон холбогдох байгууллагуудад -Гэрийн тусгаарлалтын 14 хоног өнгөрсний дараа шалган тогтоох ажиллагаа явуулахыг Цагдаагийн газарт -Ирсэн ачаанд ариутгал халдваргүйжүүлэлтийн ажил хийхийг аймгийн Зоонез өвчин судлалын төвд -Ил задгай хаясан хамгаалах хувцасыг баримтжуулан устгалд оруулах ажлыг МХГ-ын удирдлагуудад тус тус үүрэг болголоо.


Бүтэн өнчин хүүхдийн тоо 16,4 хувиар буурчээ

Аймгийн хэмжээнд 2020 оны жил эцсийн байдлаар бүтэн өнчин хүүхэд 61, хагас өнчин хүүхэд 1436 байна. Өнгөрсөн онтой харьцуулахад бүтэн өнчин хүүхдийн тоо 16.4 хувиар, хагас өнчин хүүхдийн тоо 1.8 хувиар буурсан байна. Аймгийн хэмжээнд өрх толгойлсон 2390 эцэг, эх байгаагийн 59.5 хувь нь гурав хүртэлх гишүүнтэй, 35.3 хувь нь 3-5 хүртэлх гишүүнтэй, 5.2 хувь нь 6 ба түүнээс дээш гишүүнтэй өрх байна. Өрх толгойлсон эцэг, эхийн тоо өмнөх оноос 1.9 хувиар буурчээ. Хөгжлийн бэрхшээлтэй хүний тоо 2020 оны урьдчилсан дүнгээр 4629 болж, өмнөх оноос 159 хүнээр буурсан аж. Аймгийн хэмжээнд 2020 онд 2016 эх амаржин, 2024 хүүхэд төрж, мөн нас баралт 412 болж, өмнөх оны мөн үеэс амаржсан эх 124, төрсөн



хүүхэд 114-өөр тус тус өсч, нас баралт 20-оор буурчээ. Мянган хүнд ноогдох төлөлт 22.1, нас баралт 4.6, цэвэр өсөлт 17.5 болсон нь өмнөх оны мөн үеэс 1000 хүнд ноогдох нас баралт 0.1 пунктээр буурч, төрөлт 0.7, цэвэр өсөлт 0.8 пунктээр тус тус өсчээ.

Зэрлэг ан амьтдын бэлчээрт давс, хужир хүргэлээ



Аймгийн Байгаль орчин, аялал жуулчлалын газрын ажилтнууд Тариалан суманд ажилласан байна. Тэд тус сумын байгаль орчны тасгийн ажилтнуудтай хамтран

Мушгуй, Эр хавчиг, Ширээт зэрэг газарт байршсан янгир ямаа, халиун буга зэрэг зэрлэг ан амьтдын бэлчээр болох дөрвөн цэгт 250 кг давс, хужир зэргийг зөөвөрлөн хүргэжээ. Тухайн газрын янгир ямааны тоо толгой жилээс жилд өсөж байгаа аж. Энэ нь аймаг, сумын ЗДТГ-ын байгаль хамгааллын бодлого, үйл ажиллагаа, нутгийн иргэдийн байгальд хандах эерэг хандлагын үр дүн юм хэмээн байгаль хамгаалагчид үзэж байна. Биотехникийн арга хэмжээ авч хэрэгжүүлсэн дээрх газрын ойролцоо цоохор ирвэс согоо барьсан халуун ул мөртэй байгаль хамгаалагч нар таарчээ.

АЙМГИЙН ЗАСАГ ДАРГЫН 2020-2024 ОНЫ ҮЙЛ АЖИЛЛАГААНЫ ХӨТӨЛБӨР

Энэхүү хөтөлбөрийг Монгол улсын Хөгжлийн бодлого, төлөвлөлт, түүний удирдлагын тухай хууль, Монгол улсын хөгжлийн урт хугацааны бодлого “Алсын хараа-2050”, Монгол улсыг 2021-2025 онд хөгжүүлэх таван жилийн үндсэн чиглэл, Засгийн газрын 2020-2024 оны үйл ажиллагааны хөтөлбөрт нийцүүлэн боловсруулсан.

Аймгийн эдийн засаг, нийгэм соёлын онцлог, эрчим хүчний нөөцөд тулгуурласан, уламжлалт ахуй, шинэ технологи инноваци бүхий Хөдөө аж ахуй-Аялал жуулчлалыг хөгжүүлсэн “ОРЛОГЫН БҮТЭЭН БАЙГУУЛАЛТ-УВС” зорилтыг дэвшүүлж байна.

НЭГ. “КОВИД-19” ХАЛДВАРТ ЦАР ТАХЛААС ҮҮДЭЛТЭЙ ЭДИЙН ЗАСАГ, НИЙГМИЙН ХҮНДРЭЛИЙГ ДАВАН ТУУЛАХ БОДЛОГО

Зорилт 1.1. “Ковид-19” цар тахлаас урьдчилан сэргийлэх, тэмцэх арга хэмжээний төлөвлөгөөг батлуулж, аймаг, орон нутгийн хэмжээнд цаг алдалгүй шуурхай зохион байгуулна.

1.1.1. Цар тахлын хатуу хорио цээрийн улмаас иргэд, өрх айл, аж ахуйн нэгж, худалдаа, үйлчилгээ, бизнес эрхлэгчдэд учирч буй хүндрэл бэрхшээлийг судлан тогтоож орон нутгийн түвшинд шийдвэрлэх боломжтой арга хэмжээг авах

1.1.2. Энэ чиглэлд гарсан Засгийн газрын бодлого шийдвэр болон вакцинжуулах ажлыг цаг алдалгүй зохион байгуулж хэрэгжүүлэх

1.1.3. Онцгой нөхцөлд ажиллах төрийн албан хаагчид, эмч мэргэжилтний нөөц, бие хамгаалах хэрэгсэл, шаардлагатай материалыг бэлтгэх, хэрэгцээт хамгаалах хэрэгсэл, тоног төхөөрөмжөөр хангах, түргэвчилсэн болон PCR оношлогооны орчинг бүрдүүлэх,

1.1.4. Цар тахлаас үүдсэн эдийн засаг, нийгмийн хүндрэлийг даван туулахад чиглэсэн хэмжлэг, туслалцааг нэмэгдүүлэх чиглэлээр УИХ-ын гишүүд, хөгжлийн түншүүд, олон улсын байгууллагуудтай хамтрах

1.1.5. Бусад арга хэмжээ, онцгой байдлын онцлог үйл ажиллагааг хэрэгжүүлэх, мэдээлэл түгээх, хариу арга хэмжээний бэлэн байдлыг байнга хангаж ажиллах

1.1.6. Олон нийтийн оролцоот хөтөлбөр “ОНОХ” төслийг хэрэгжүүлэх.

ХОЁР. ХҮНИЙ ХӨГЖЛИЙН БОДЛОГО

Боловсрол

Зорилт 2.1. Хүн бүрд чанартай боловсрол эзэмших боломж бүрдүүлж, тэгш хамруулах тогтолцоог бэхжүүлнэ.

2.1.1. Сургууль, цэцэрлэгийн хүртээмжийг нэмэгдүүлж, 5 сургуулийн барилгыг шинээр барих, 5 сургуулийн барилгыг засварлах, дотуур байрны хүртээмжийг нэмэгдүүлэх, 5 дотуур байранд засвар хийх, 8 цэцэрлэгийн шинэ барилга, өргөтгөл барих

2.1.2. Сургуулийн лабораторийн тоног төхөөрөмж, цэцэрлэгийн хатуу, зөөлөн эдлэл, тоглоомыг шинэчлэх, сургуулийн номын сангийн фондыг баяжуулах ажлыг үе шаттай хэрэгжүүлэх

2.1.3. Таван настай хүүхдийг сургуулийн өмнөх боловсролд заавал хамруулж, сургуульд бэлтгэгдсэн байдлыг хангах, ясли, хүүхэд харах үйлчилгээг хэрэгжүүлнэ.

2.1.4. Дотуур байрны орчин, үйлчилгээний нөхцлийг сайжруулж, халуун ус, угаалгын үйлчилгээ, номын сан, чөлөөт цагаа өнгөрүүлэх хүүхэд хөгжлийн танхим, тоглоомын өрөөтэй болгох, малчдын 6 настай хүүхдийг сургуульд дасан зохицоход дэмжлэгт орчин бүрдүүлэх.

Багш, ажилтны хөгжил, нийгмийн баталгааг хангаж, ажиллах таатай нөхцлийг бүрдүүлэх замаар боловсролын байгууллагын өрсөлдөх чадварыг нэмэгдүүлэх зорилтын хүрээнд:

2.1.5. Багшийн ёс зүй, нэр хүнд, үнэлэмжийг дээшлүүлэх, эрүүл мэнд, нийгмийн баталгааг хангахад чиглэсэн “Чадварлаг багш” арга хэмжээ боловсруулж хэрэгжүүлэх

2.1.6. Улсын олимпиадад оролцох багш, сурагчдын зардалд дэмжлэг үзүүлэх, улсын олимпиад, элсэлтийн ерөнхий шалгалт, хүүхэд бүрийг хөгжихөд онцгой амжилт гаргасан багш, сурагчдыг шагнаж урамшуулахад төр, олон нийтийн оролцоог хангах

2.1.7. Төрөлжсөн ахлах сургуулиудыг байгуулах, тэдгээр сургуулиудыг багшлах боловсон хүчин, сургалтын тоног төхөөрөмжөөр хангах.

Насан туршийн боловсролын тогтолцоог бэхжүүлж, хүртээмжийг нэмэгдүүлэх хүрээнд:

2.1.8. “Насан туршийн боловсролын төв”-ийн сургалтын чанарыг сайжруулах, хүртээмжийг нэмэгдүүлэх

2.1.9. Насан туршийн боловсрол олгох хөтөлбөрүүдээр зайны сургалт явуулахад дэмжлэг үзүүлэх

2.1.10. Мэргэжлийн боловсролыг хөдөлмөрийн зах зээлийн өөрчлөлт, эрэлт, хөгжилд нийцүүлэн хөгжүүлж, орон нутагт мэргэжлийн боловсрол олгох сургалтын байгууллагуудыг боловсон хүчин, сургалтын тоног төхөөрөмжөөр хангах

2.1.11. Хүүхдийн хөгжил, оролцоо, хүүхдийн хамтын үүсгэл санаачлагын идэвхийг дэмжих

2.1.12. Бүх шатны сургалтын байгууллагад Монгол хэл, бичгийн боловсролыг суралцагчдад чанартай эзэмшүүлж, хүн бүрийн эх хэлний боловсролыг дээшлүүлэх

2.1.13. Монгол хэл, бичгийг нийтийн болон албан хэргийн түвшинд зөв хэрэглэж хэвшүүлэх ажлыг үе шаттай хэрэгжүүлэх, гудамж талбай, гэр хороолол, үйлдвэрийн бүтээгдэхүүний хаяг, шошгыг монгол бичгээр гаргаж хэвшүүлэх

2.1.14. Хөдөөгийн багийн төвүүдийг түшиглэн, насан туршийн боловсролын төв болгон хөгжүүлэх

2.1.15. “Хүн болох багаасаа” арга хэмжээг өрх гэр, сургуулийн өмнөх болон бага боловсролын түвшинд хэрэгжүүлж, зөв хандлагыг төлөвшүүлэх

2.1.16. Хөгжлийн бэрхшээлтэй хүүхдийг боловсролд тэгш хамруулж, тусгай хэрэгцээт сургалтын орчинг бүрдүүлнэ.

Зорилт 2.2. Үндэсний ёс заншил, язгуур урлагаа хадгалан хамгаалж, түгээн дэлгэрүүлж нийгмийг соён гэгээрүүлнэ.

2.2.1. Соёлын биет болон биет бус өвийн шавь сургалтыг зохион байгуулах, өвлөн уламжлагчдын тоог нэмэгдүүлэх, язгуур өв соёлыг нэр төрлөөр нь хөхиүлэн дэмжих, олон нийтэд түгээн сурталчлах

2.2.2. Номын сангийн үйлчилгээний чанар хүртээмжийг сайжруулах, хүүхэд, залуучуудын эрэлт хэрэгцээнд нийцсэн номоор фондын баяжилтыг нэмэгдүүлэх, утга, уран зохиолыг дэмжих, номын баярыг жил бүр зохион байгуулах

2.2.3. Соёл урлагийн байгууллагын боловсон хүчнийг үе шаттай бэлтгэх, хүний нөөцийн чадавхийг сайжруулах, хөгжүүлэх

2.2.4. Аймгийн хөгжимт жүжгийн “Ойрад” театрын шинэ барилгыг ашиглах шинэ менежмент, маркетингийг хэрэгжүүлж, олон улсын жишигт хүргэх

2.2.5. Язгуур өв соёлоо гадаад, дотоодод сурталчлан дэлгэрүүлэх, соёлын аялал жуулчлалыг хөгжүүлж, уран бүтээлчдийн галарей үйл ажиллагааг дэмжих

2.2.6. Хилийн цэргийн ... дугаар ангийн соёлын төвийн барилгын өргөтгөл барих, соёл, урлагийн байгууллагын хөгжим, техник хэрэгслэлийн хангалтыг үе шаттай шинэчлэх

2.2.7. Аймгийн төв музейг стандартад нийцсэн шинэ байртай болгох, музейн боловсролын үйлчилгээг өргөжүүлэн, олон нийтэд сурталчлах ажлыг үе шаттай зохион байгуулах

2.2.8. Баруун монголын баатарлаг туульсийг Цагаан сараар хайлдаг арга хэмжээг жил бүр зохион байгуулах, сум, орон нутгийн үндэсний соёл урлагийг сэргээж, сумдад онцлог, бусдаас ялгарах язгуур өв, брэнд арга хэмжээнүүдийг төрт ёсны үндэсний баяр наадмаар бүсчлэн зохион байгуулж, сурталчлах

2.2.9. Соёлын биет бус өв болох туульч, ерөөлч, магтаалч, хөөмийч, биелээчдийн улс бүсийн, олон улсын фестиваль, наадам, эрдэм шинжилгээний хурал зохион байгуулах ажлыг үе шаттай зохион байгуулах

2.2.10. Увс нутгаас гаралтай түүхэн хүмүүсийн тухай, угсаатны зүйн эрдэм шинжилгээ, судалгааны ажил зохион байгуулж, баримтат кино хийх, үзэсгэлэн гаргаж олон нийтэд сурталчилан таниулах

2.2.11. Соёлын өвийн төвд хадгалагдаж байгаа Увс аймгийн нутаг дэвсгэрээс олдсон түүх соёлын хөдлөх дурсгалыг аймгийн Музейд төвлөрүүлэх, соёлын өвийн бүртгэл мэдээллийн санд бүртгэн баримтжуулах, тооллого хийх ажлыг зохион байгуулах.

Эрүүл мэнд

Зорилт 2.3. Хүн амын эрэлт хэрэгцээнд нийцсэн, чанар аюулгүй байдлыг хангасан, хариуцлагатай, хүртээмжтэй, үйлчлүүлэгч төвтэй эрүүл мэндийн тусламж үйлчилгээний тогтолцоог бий болгоно.

2.3.1. Эрүүл мэндийн төвүүдийн засвар, өргөтгөлийн ажлыг үе шаттайгаар шийдвэрлэж, иргэдэд ээлтэй орчинг бүрдүүлэх, эрүүл мэндийн тусламж үйлчилгээний чанар хүртээмжийг сайжруулах

2.3.2. Анхан болон лавлагаа шатлалын эрүүл мэндийн төвүүдийг шаардлагатай багаж тоног төхөөрөмжөөр хангаж, авто машины парк шинэчлэлтийг хийх

2.3.3. Аймгийн Нэгдсэн эмнэлгийн зөвлөх поликлиникийн байрыг шинээр барих ажлыг эхлүүлэх

2.3.4. Засгийн газрын эрүүл мэндийн зорилтот арга хэмжээнүүдийг төр-хувийн хэвшлийн хамтын ажиллагаагаар хэрэгжүүлж, үр дүнг тооцож ажиллах, зайн оношлогооны чадавхийг дээшлүүлэх

2.3.5. Иргэдийн эрүүл мэндийн боловсролыг дээшлүүлж, иргэн бүр эрүүл мэндийн үзлэг, оношлогоонд тогтмол хамрагдах нөхцөлийг бүрдүүлж, эрүүл, идэвхтэй амьдралын хэв маягийг төлөвшүүлэх

2.3.6. Бүх нийтийн эрүүл мэнд, соёл, ахуйн үйлчилгээний цогц үйлчилгээг иргэдэд хүргэх зорилтот арга хэмжээг зохион байгуулах

2.3.7. Жирэмсэн эхийн эрт үеийн хяналтын чанарыг сайжруулж, хожуу хүндрэлийг бууруулах, нялхсын золгүй, гэнэтийн нас баралт, эндэгдлийг үе шаттайгаар бууруулах

2.3.8. Эрүүл мэндийн салбарын хүний нөөцийг чадавхжуулах, гадаад болон дотоодод багаар нь сургах

2.3.9. Халдварт болон халдварт бус өвчнөөс урьдчилан сэргийлэх арга хэмжээг хэрэгжүүлж ажиллах.

Эрүүл, идэвхтэй амьдралын хэв маяг

Зорилт 2.4. Биеийн тамир, спортын чанар, хүртээмж, үр дүнг сайжруулна:

2.4.1. Усан бассейн, спорт фитнесийн барилгыг ашиглалтанд оруулж, наадмын

талбайг тохижуулах

2.4.2. Хүн амд биеийн тамир, спортын үйлчилгээ үзүүлэх төр, хувийн хэвшил, спортын холбоодын түншлэлийн менежментийг хэрэгжүүлэх, амжилтад суурилсан урамшууллын журмыг мөрдүүлэх

2.4.3. Иргэдэд үйлчлэх спортын зориулалтын стандарт талбайн хүртээмжийг нэмэгдүүлэх

2.4.4. Нийтийн биеийн тамирыг эрүүл, идэвхтэй амьдралын хэв маягийг дэмжин хөгжүүлэх

2.4.5. Биеийн тамир, спортын салбарын мэдээллийн нэгдсэн санг бий болгож, хамгаалалт, ашиглалтыг сайжруулах.

Гэр бүл

Зорилт 2.5. Гэр бүлд ээлтэй бодлого хэрэгжүүлж, хүн амын тогтвортой өсөлт, хүний хөгжлийг дэмжинэ:

2.5.1. “Хашаандаа сайхан амьдарья” төсөл хэрэгжүүлж, аюулгүй амар тайван амьдарч аж төрөх нөхцлийг бүрдүүлэх

2.5.2. “Хуримтлалтай иргэн” төсөл, бүтэн өнчин хүүхдийн “Хөх толбот” арга хэмжээг хэрэгжүүлэх

2.5.3. Өсвөр үе, хүүхдийн хөгжил, оролцоог хангасан “Тэмүүлэл” зусланг ажиллуулах, хүүхдийн авьяас ур чадварыг хөгжүүлэх төрөл бүрийн сонгон, секц, дугуйлангийн үйл ажиллагааг өргөжүүлэх, дэмжих

2.5.4. Хүүхэд хамгааллын хамтарсан багийн гишүүдийн үйл ажиллагааг дэмжих, хүүхдийг эрүүл аюулгүй орчинд амьдрах, осол гэмтэл хүчирхийлэлд өртөхөөс урьдчилан сэргийлэх сургалт сурталчилгаа, нөлөөллийн ажлыг тогтмол зохион байгуулах

2.5.5. Гэр бүл төлөвлөлт, тогтвортой байдал, гэр бүлийн гишүүдийн эерэг харилцаа, уламжлалт зан заншлын талаарх сургалт, хөгжлийн үйл ажиллагааг дэмжих, энэ чиглэлд мэргэшсэн сэтгэл зүйч ажиллуулах

2.5.6. Өрх бүр угийн бичгээ хөтлөх, цус ойртолтоос урьдчилан сэргийлэх, удмын сангаа хамгаалах үйл ажиллагааг зохион байгуулах, дэмжих

2.5.7. Нийгмийн сайн сайхны төлөө онцгой амжилт гаргаж, сайн дураараа ажилладаг, олон нийтэд хүлээн зөвшөөрөгдсөн “Нийгмийн манлайлагч” иргэнийг жил бүр шалгаруулан алдаршуулах.

Нийгмийн хамгааллын шинэчлэлийг хэрэгжүүлнэ

Зорилт 2.6. Нийгмийн даатгал, нийгмийн халамжийн бодлогыг хэрэгжүүлж, хөдөлмөр эрхлэлтийг нэмэгдүүлж, иргэдийн амьдралын чанарыг дээшлүүлнэ.

2.6.1. Иргэд даатгуулагчийн нэрийн дансны хуримтлал үүсгэх нийгмийн даатгалын шинэчлэлийн бодлогыг хэрэгжүүлэх

2.6.2. Хөдөлмөрийн аюулгүй байдал, эрүүл ахуйн талаарх хууль тогтоомжийн хэрэгжилтийг хангаж, ажлын байрны осол гэмтлээс урьдчилан сэргийлэх

2.6.3. Хөдөлмөр эрхлэлтийн үйл ажиллагааны үр дүнд суурилсан санхүүжилтийн арга хэлбэрийг нэвтрүүлэн, хөтөлбөр, бүтээн байгуулалтын томоохон төслүүдийн үр дүнд хувийн хэвшил, жижиг, дунд үйлдвэрлэл, хөдөлмөр эрхлэлтийг дэмжих замаар ажилгүйдлийг бууруулж, жилд 1200 ажлын байр бий болгох

2.6.4. Мэргэжлийн сургалт үйлдвэрлэлийн төв, сургалтын байгууллагуудыг түшиглэн хэрэгцээнд нийцсэн чадварлаг мэргэжилтэй ажилтан бэлтгэж, ажилд зуучлах

2.6.5. Иргэдийг хөдөлмөрийн зах зээлийн мэдээллээр хангаж, албан бус хөдөлмөр эрхлэлтийн бүртгэл, мэдээллийг сайжруулах

2.6.6. Нийгмийн халамжийн үйлчилгээг зорилтот бүлэгт хүргэж, халамжийн үйлчилгээг цахим, ил төд нээлттэй, чирэгдэлгүй болгох

2.6.7. Хөгжлийн бэрхшээлтэй иргэдийн хөгжлийг дэмжих “Тэгш боломж” арга хэмжээ хэрэгжүүлж, хөгжлийн бэрхшээлтэй хүүхдүүдэд зориулсан өдөр өнжүүлэх ажиллуулах

2.6.8. Ахмад настны хөгжил хамгааллыг дэмжиж, сумдын ахмадын байгууллагыг бэхжүүлж, ахмадын байр, ахмад настуудад үзүүлэх үйлчилгээний чанар хүртээмжийг сайжруулах хувийн хэвшлийн оролцоог дэмжих

2.6.9. Жөндөрт суурилсан хүчирхийлэл, жөндөрийн хэвшмэл ойлголт, тэгш бус байдлыг арилгахад чиглэсэн арга хэмжээг хэрэгжүүлэх.

ГУРАВ. ЭДИЙН ЗАСГИЙН БОДЛОГО

Эдийн засгийн тэргүүлэх чиглэлүүд

Зорилт 3.1. Аймгийн эдийн засгийн бүтцийг шинэчлэн тогтоож, ХАА-н боловсруулах болон хүнд, хөнгөн үйлдвэрлэлийг хөгжүүлнэ:

3.1.1. Хөдөө аж ахуйн үйлдвэрлэлд технологи суурьтай инновацийг нэвтрүүлж, бус нутгийн нөөц баялагт түшиглэсэн төр-хувийн хэвшлийн түншлэл, олон улсын байгууллага, олон нийтийн оролцоот хоршооны менежментийг нэвтрүүлэх замаар эдийн засгийн өгөөж, өрхийн орлого, бүтээмж, үнэ цэнэ, баталгаатай ажлын байрыг нэмэгдүүлэх зорилго бүхий “ШИНЭ ХӨДӨӨ-УВС” төслийг хэрэгжүүлэх

3.1.2. Бүс ба орон нутгийн иргэдийг чанартай экологийн цэвэр хүнсний бүтээгдэхүүнээр хангах, олон улсын чанар, стандартыг нэвтрүүлсэн, өрсөлдөх чадвартай брэнд бүтээгдэхүүнийг үйлдвэрлэх, эдийн засгийн хөгжлийг дэмжих, орон нутагт шинэ ажлын

байр бий болгох хөдөө аж ахуйн “УВС-АГРО” Хөдөө аж ахуй, үйлдвэрлэлийн цогцолбор төслийг хэрэгжүүлэх

3.1.3. Аймгийн хадлан тариалангийн эргэлтийн талбайг нэмэгдүүлж, тэжээлийн голлох ургамлууд болох царгас, овъёос, эрдэнэ шиш, гурвалжин будаа тариалж, Баруунтуруун, Тариаалан, Улаангом сумдад “ГУРИЛ-ТЭЖЭЭЛИЙН ҮЙЛДВЭР” байгуулж, аймгийнхаа болон баруун бүсийн хэрэгцээг хангах

3.1.4. Аймгийн онцлог шинж чанар, язгуур үнэт зүйл, өв соёл, байгаль, цаг уур, бахархал, орон нутгийн нөөц баялагт тулгуурласан нэгдсэн нэг брэндийн бодлого гарган үйлдвэрлэл, үйлчилгээг хөгжүүлж гадаад, дотоодын зах зээлд сурталчлан таниулах

3.1.5. Жуулчдын урсгал, экспортын хэмжээг нэмэгдүүлж, Боршоо олон улсын боомтын "Шалган нэвтрүүлэх цогцолбор"-ын шинэчлэлийг хэрэгжүүлэх

3.1.6. Аймагт “Баруун бүсийн тээвэр логистикийн төв” байгуулах

3.1.7. “Дэглий цагаан” нисэх буудлын хүчин чадлыг нэмэгдүүлж, олон улсын зэрэглэлтэй болгох, зарим сумдад ерөнхий зориулалтын нисэхийг хөгжүүлэх

3.1.8. Цахилгаан эрчим хүчийг дотооддоо үйлдвэрлэх хөрөнгө оруулалтын 60 МВт-ын цахилгаан станц барих төслийн ажлыг эхлүүлэх

3.1.9. Хариуцлагатай уул уурхайг дэмжиж, уурхайнуудтай “Хамтран ажиллах гэрээ”-ний хүрээнд үр дүнг тооцож ажиллуулах, тодорхой чиглэлд геологийн хайгуул судалгааг үргэлжлүүлэх

3.1.10. Давс, нүүрс, төмрийн хүдэр зэрэг ашигт малтмалын боловсруулах үйлдвэрлэлийн чиглэлийг дэмжих

3.1.11. Аймагт үйл ажиллагаа эрхэлдэг төмрийн хүдэр, нүүрсний болон бусад уурхайн үйлдвэрийн ашиг хүртэгч эзэдтэй хамтран, хөрөнгийн хуримтлал бий болгох, орон нутаг, айл өрхийн хөгжлийг дэмжсэн бодлого хэрэгжүүлэх.

Зорилт 3.2. Аялал жуулчлалыг тогтвортой хөгжүүлж, байгаль, эдийн засгийн хөгжлийг хангана.

3.2.1. Баруун Монголын өв соёл, байгалийн болон түүх соёлын үзэсгэлэнт газруудыг сурталчлан таниулах эвент арга хэмжээг зохион байгуулах, аялал жуулчлалын нөөц баялагт үндэслэн, аялал жуулчлалын шинэ маршрутад тулгуурласан төсөл арга хэмжээг хэрэгжүүлж, түүнийг дагасан бүтээгдэхүүн үйлчилгээг хөгжүүлэх

3.2.2. Архитектурын шинэ шийдэлтэй “СОЁЛ АМАЛТЫН ТӨВ”-ийг байгуулж, олон төрөлт арга хэмжээнүүдийг тогтмол зохион байгуулах

3.2.3. Аялал жуулчлалын барилга байгууламж, отоглох, амрах цэгүүд байгуулж, сумдад аялал жуулчлалд зориулсан дэд бүтцийг дэмжих

3.2.4. Нутгийн иргэдэд түшиглэсэн аялал жуулчлалыг хөгжүүлэх, зан заншил, уламжлал, нүүдэлчин ахуйд түшиглэсэн аялал жуулчлалын “Чингисийн цагаан сүлд цэнгүүлэх”, “Ус ба аялал жуулчлал”, “Тэмээн жин ба нүүдэл”, “Язгуур урлаг”, “Ээрэн хүрээ”, “Бух ноолдаан”, “Увс нуур цом”-ын барилдаан гэх мэт бус нутаг, олон улсыг хамарсан аялал жуулчлалын томоохон бүтээгдэхүүнүүдийг хөгжүүлэх

3.2.5. Төр хувийн хэвшлийн түншлэлийг хөгжүүлж, хувийн хэвшлийн хөрөнгө оруулалтыг татах замаар стандартын шаардлага хангасан жуулчны баазыг байгуулж, жуулчдын ая тухыг хангах орчныг бүрдүүлэх

3.2.6. Аялал жуулчлалын гол чиглэлийн дагуу зам харилцаа, холбоо, эрчим хүчний хангамжийг сайжруулах, авто зогсоол, үйлчилгээний төв, ариун цэврийн байгууламжийг байгуулах

3.2.7. Хяргас, Увс, Үүрэг нууруудын орчинд хязгаарлах бүс зоон тогтоож тэмдэгжүүлэх, аялал жуулчлалын баазуудыг аттестатчилах, нуур орчмын бүс нутгийг төр, хувийн хэвшлийн түншлэлээр ашиглуулах.

Тогтвортой хөдөө аж ахуй

Зорилт 3.3. Хөдөө аж ахуйн үйлдвэрлэлийн нөөц ашиглалт, эдийн засгийн эргэлтийг эрчимжүүлж, тооноос чанар, бүтээмжид шилжүүлнэ:

3.3.1. Мал аж ахуй, газар тариалангийн мэргэжилтнүүдийг бэлтгэх, фермерүүд, жижиг дунд үйлдвэрлэгчид болон өрхийн үйлдвэрлэл эрхлэгчдийг чадавхжуулах, хөдөлмөрийн бүтээмжийг нэмэгдүүлэх

3.3.2. Мал, амьтны эрүүл мэндийг хамгаалах, бие даасан үүлдрээр батлагдсан Баяд хонь, Өлгийн улаан ямаа, Тэс адуу болон нутгийн шилмэл омгийн үржлийн малаар малын чанарыг сайжруулах, ашиг шимийг нэмэгдүүлэх, цөм сүрэг бүрдүүлэх

3.3.3. Тариалангийн эргэлтийн талбайн ашиглалтыг сайжруулж, тариалангийн бүс нутгийг тогтоох, усалгаатай тариалангийн талбайг нэмэгдүүлэх, үр тариа болон голлох нэр төрлийн хүнсний ногоо, чацаргана, жимс жимсгэнэ, тэжээлийн ургамлын нутагших чадвартай үр, сортыг бодлогоор хөгжүүлж дотоодын болон бүсийн хэрэгцээг хангах, зэрлэг чацарганыг хамгаалах, бусад ашигт таримлын үйлдвэрлэл, өвөл зуны хүлэмж, зоорь агуулахыг нэмэгдүүлэх

3.3.4. Дундын хоршоодыг чадавхжуулан, хөдөө аж ахуйн бүтээмж үр ашгийг нэмэгдүүлж, байгальд ээлтэй дэвшилтэт технологид суурилсан шинэ ажил, үйлчилгээг дэмжин хөгжүүлэх, техник хангамжийг

АЙМГИЙН ЗАСАГ ДАРГЫН 2020-2024 ОНЫ ҮЙЛ АЖИЛЛАГААНЫ ХӨТӨЛБӨР

нэмэгдүүлэх

3.3.5. Өртгийн сүлжээ, кластерт холбогдсон бизнес болон ЖДҮ-ийг бодлогоор дэмжих

3.3.6. Малын тоо толгойн татварын орлогыг бэлчээрийн менежмент, даац багтаамж, ашиглалт хамгаалалт, усан хангамж сайжруулахад зарцуулах

3.3.7. Ноос, ноолуур боловсруулах үйлдвэрийг барих санаачлагыг дэмжих, малын түүхий эдийг худалдан борлуулах нэг цэгийн үйлчилгээг бий болгох

3.3.8. Бизнес инкубатор төвийг байгуулж, гарааны бизнес эрхлэгчдийг чадавхжуулах

3.3.9. Хүнсний аюулгүй байдлыг хангах асуудалд төр, ТББ, хувийн хэвшлийн хамтын ажиллагааг хөгжүүлэх

3.3.10. Ашиг шимт мах сүүний чиглэлийн үхрийг үржил селекцид оруулж, үхрийнхээ үүлдэр угсааг сайжруулан, тэжээл тариалангийн үйлдвэрлэлийн бүсийг түшиглэн мах, сүүний фермерийн аж ахуйг хөгжүүлэх.

Ухаалаг санхүүгийн зах зээл

Зорилт 3.4. Эдийн засгийг тэтгэсэн, уян хатан, цахим технологид суурилсан олон талт санхүүгийн үйлчилгээг хөгжүүлнэ:

3.4.1. Аймгийн эдийн засаг, нийгмийн хөгжилд чиглүүлсэн, үр ашигтай, хариуцлагатай төсөв, санхүүгийн механизмыг ил тод, нээлттэй хэрэгжүүлэх

3.4.2. Дотоод, гадаадын бизнес, хөрөнгө оруулалтын таатай орчныг бүрдүүлж, үзэсгэлэн худалдаа, төрөлжсөн арга хэмжээг төр, хувийн хэвшлийн түншлэлээр зохион байгуулах, бүс, улс, олон улсын арга хэмжээнд оролцох

3.4.3. Төрийн худалдан авах ажиллагаагаар дамжуулан, дотоодын болон орон нутгийн үйлдвэрлэлийн бүтээгдэхүүний худалдан авалтыг дэмжиж, тогтвортой нэмэгдүүлэх

3.4.4. Банк санхүү, даатгалын үйлчилгээний мэдээллийг цахимаар түгээх, гарын авлагаар сурталчилах, сургалт зохион байгуулах.

ДӨРӨВ. ЗАСАГЛАЛЫН БОДЛОГО

“Цахим Увс”-төрийн шуурхай үйлчилгээ (иргэн, төр, хувийн хэвшлийн нэгдсэн систем)

Зорилт 4.1. Мэдээллийн аюулгүй байдлыг хангасан, цахим бодлого, төлөвлөлт, удирдлагаар хангаж, төрийн үйлчилгээг шуурхай, хариуцлагатай, хүртээмжтэй хүргэх нөхцөлийг бүрдүүлэн, иргэдийн цаг хугацаа, зардлыг хэмнэнэ.

4.1.1. “Нэг иргэн-нэг бүртгэл” үйлчилгээг хэрэгжүүлж, цахим үйлчилгээний стандартыг хангуулах

4.1.2. Хүний эрхийг дээдэлсэн, цахим засаглалыг дэмжсэн “Ухаалаг Увс” арга хэмжээг хэрэгжүүлэх

4.1.3. Төрийн үйлчилгээнд мэдээлэл, харилцаа холбооны технологийн дэвшил, инновац нэвтрүүлэх замаар “e-mongolia” системийн хүртээмж, төрийн албан хаагчдын бүтээмж, үр ашгийг дээшлүүлэх

4.1.4. Мэдээллийн ил тод байдлыг нэмэгдүүлж, иргэд, олон нийтийн оролцоонд тулгуурласан “Иргэний танхим”-ын үйл ажиллагааг идэвхижүүлэх

4.1.5. Төрийн байгууллагуудын дотоод үйл ажиллагааны удирдлагын нэгдсэн систем ERP-mongolia системийг бүрэн нэвтрүүлэх

4.1.6. Төрийн албаны хүний нөөцийн удирдлагын мэдээллийн санг цалингийн нэгдсэн системтэй холбож, орон тоо, цалин хөлсний зардлын төлөвлөлт, хэрэгжилт, хяналтыг сайжруулах

4.1.7. Төрийн архив, албан хэрэг хөтлөлтийн үйл ажиллагаанд мэдээллийн технологи нэвтрүүлэх, архивын цаасан суурьтай баримтын цахим сангийн бүрдүүлэлт, ашиглалтыг сайжруулах.

Мэргэшсэн, хариуцлагатай төрийн алба

Зорилт 4.2. Чадахуйн зарчимд суурилсан мэргэшсэн, тогтвортой төрийн албыг бэхжүүлж, төрийн байгууллагуудын үйл ажиллагаа, чиг үүргийн уялдааг хангах замаар үйлчилгээний үр дүн, нөлөөг дээшлүүлнэ.

4.2.1. Төрийн захиргааны байгууллагад чиг үүргийн иж бүрэн шинжилгээ хийж, чиг үүргийг оновчтой болгох, ажил үүргийн давхцалыг арилгах бодлогын шинэчлэлийг эхлүүлэх

4.2.2. Төрийн албан хаагчийн үйл ажиллагааг үнэлэхдээ ажлын гүйцэтгэл, үйлчлүүлэгчийн үнэлгээ, ёс зүй, сахилга хариуцлагыг шалгуур болгож, ёс зүйн зөрчил гаргасан төрийн алба хаагчид хүлээлгэх хариуцлагыг чангатгах

4.2.3. Төрийн албаны хүний нөөцийг чадавхжуулж, төрийн албан хаагч цаг хугацаа, орон зайнаас үл хамааран тасралтгүй сурч хөгжих таатай орчныг бүрдүүлэх

4.2.4. “Стандарттай Увс” буюу чанарын удирдлагын тогтолцоо, олон улсын стандартыг төр, аж ахуйн нэгж байгууллагад ээлж дараагаар нэвтрүүлэх

4.2.5. Бүх нийтэд хүний эрх, жендэрийн боловсрол олгох ажлыг зохион байгуулж, жендэрийн тэгш байдлыг хангах бодлого баримтлах

4.2.6. Шийдвэр гаргах түвшин дэх эмэгтэйчүүдийн төлөөллийг нэмэгдүүлж, улс төр, эдийн засаг, нийгмийн амьдралын бүх хүрээнд эмэгтэйчүүд үр дүнтэй оролцох, манлайлан ажиллах тэгш боломжоор хангах

4.2.7. Анхан шатны статистик мэдээний үнэн зөвд тавих хяналтыг сайжруулж, мэдээллийн нээлттэй ил тод байлгах нөхцлийг бүрдүүлэх, “дотоодын аялал жуулчлал”, “жендэрийн үзүүлэлт” зэрэг мэдээллийн баазыг шинээр үүсгэж түгээх

4.2.8. Аймгийн төр захиргааны зарим байгууллагын стандарт шаардлага хангасан байр оффис, парк шинэчлэх асуудлыг үе шаттай шийдвэрлэх.

Тогтвортой, нэгдмэл гадаад бодлого

Зорилт 4.3. Хөрш болон бусад орнуудын эдийн засаг, нийгэм, соёлын уламжлалт хамтын ажиллагааг тогтвортой хэрэгжүүлж, чөлөөт худалдааг аймгийн онцлогт нийцүүлэн хөгжүүлнэ.

4.3.1. ОХУ болон БНХАУ-ыг холбосон эдийн засгийн коридорыг хөгжүүлэх санал санаачилгыг дэмжих хүрээнд ОХУ-ын Сибирийн тойргийн муж улсууд, БНХАУ-ын ШУӨЗО-ны аймгуудтай бүх салбарт харилцааг гүнзгийрүүлэх

4.3.2. Гадаадын өндөр хөгжилтэй гуравдагч хөрш орнуудын хот, мужуудтай шинээр харилцаа тогтоох, олон улсын байгууллагуудын хамтын ажиллагааны хүрээнд салбар бүрт төсөл, хөтөлбөрүүд хэрэгжүүлж, гадаадын хөрөнгө оруулалтыг нэмэгдүүлэх.

Ухаалаг засаглал

Зорилт 4.4. Иргэдийн эрх зүйн боловсролыг дээшлүүлэх аймгийн нэгдсэн тогтолцоог бэхжүүлнэ.

4.4.1. Эрх зүйн сургалт, сурталчилгааны ажлыг эрчимжүүлж, иргэдийн эрх зүйн боловсролыг дээшлүүлэхэд үүрэн холбоо, хэвлэл мэдээллийн болон цахим хэрэгслийг ашиглан, иргэн, хуулийн этгээд, иргэний нийгмийн болон өөрийн удирдлагын байгууллагуудтай хамтран, тэдгээрийн үүрэг, оролцоог нэмэгдүүлэх, гэмт хэргээс урьдчилан сэргийлэх

4.4.2. Хууль сахиулах байгууллагуудын бие даасан байдлыг хангаж, материаллаг баазыг бэхжүүлэхэд дэмжлэг үзүүлэх

Авлигагүй засаглал

4.4.3. Авлигатай тэмцэх үндэсний хөтөлбөрийг хэрэгжүүлж, соён гэгээрүүлэх ажлыг хууль хяналтын байгууллагуудтай хамтран зохион байгуулах.

Зэвсэгт хүчин

Зорилт 4.5. Монгол Улсын батлан ​​хамгаалах тогтолцоог бэхжүүлж, үндэсний язгуур ашиг сонирхолд тулгуурласан мэргэжлийн, чадварлаг Зэвсэгт хүчнийг хөгжүүлнэ:

4.5.1. Батлан ​​хамгаалах бодлого, хууль тогтоомж, Зэвсэгт хүчний үйл ажиллагааг бүх нийтэд сурталчилан таниулах,

4.5.2. “Хүүхэд залуучуудад эх оронч үзэл төлөвшүүлэх арга хэмжээ”-г хэрэгжүүлэх

4.5.3. Аймгийн Цэргийн штабын албаны бэлэн байдлыг хангаж, сургалтын материаллаг баазыг бэхжүүлэх, хилийн ангиудын үйл ажиллагааг дэмжих

4.5.4. Орон нутгийн хамгаалалтын төлөвлөгөөний хэрэгжилтийг хангаж, дайчилгааны төлөвлөлтийг шинэчлэх.

ТАВ. НОГООН ХӨГЖЛИЙН БОДЛОГО

5.1. Усны нөөцийг хомсдол, бохирдлоос хамгаалах, боломжит нөөцийг зүй

зохистой ашиглах, уур амьсгалын өөрчлөлтөд дасан зохицох

5.1.1. Цэнгэг усны нөөц, гол мөрний урсац бүрэлдэх эхийг хамгаалалтанд авах ажлыг нэмэгдүүлэх, усны нөөцийн менежментийг хэрэгжүүлэх

5.1.2. Аймаг, сумын төв, хөдөөгийн хүн амыг аюулгүй ус хангамжийн эх үүсвэрээр хангах, ундны усны чанарыг сайжруулах, ус хэрэглэгч, ашиглагчдын усны хэрэглээний хяналтыг сайжруулж, зохистой ашиглах механизмыг бүрдүүлэх

5.1.3. Цаг агаарт зориудаар нөлөөлөх, гангийн эрсдлийг бууруулах

5.1.4. Байгаль орчны төсөл хөтөлбөрүүдтэй хамтран ажиллаж, ажлын үр нөлөө, хүртээмжийг нэмэгдүүлэх

5.2. Хүрээлэн буй орчны бохирдол, доройтлыг бууруулж, иргэдийн эрүүл аюулгүй орчинд амьдрах нөхцлийг бүрдүүлэх

5.2.1. Хог хаягдлын менежментийг хэрэгжүүлж, дахин ашиглах боломжтой хог хаягдлыг худалдан авах тогтолцоог бүрдүүлэх

5.2.2. Хог хаягдлыг бууруулах, ангилан ялгах талаар бүх нийтэд мэдлэг, мэдээлэл түгээх, ухамсар дадлыг хэвшүүлэх ажлыг үе шаттай зохион байгуулах

5.2.3. Нүхэн жорлонтой цэцэрлэг, сургууль, дотуур байр, эмнэлгийг стандарт хангасан ариун цэврийн байгууламжтай болгох

5.2.4. Аймаг, сумын төвийн гэр хороолол болон аялал жуулчлалын бүсэд “Жорлонгоо өөрчилъё-Эко жорлон” төсөл, арга хэмжээг хэрэгжүүлж, хөрсний бохирдлыг бууруулах

5.2.5. Улаангом сумын агаарын чанарыг дээшлүүлэх бүсийг тогтоож, бүсэд баримтлах дэглэмийг боловсруулан, хэрэгжүүлэх

5.3. Хариуцлагатай уул уурхайг дэмжиж, экологи, байгаль хамгааллын тогтвортой байдлыг хангах

5.3.1. Эвдэрсэн газрын тооллогыг хийх, нөхөн сэргээх арга хэмжээнд талуудын оролцоог хангах

5.3.2. Байгаль орчны чиглэлээр үйл ажиллагаа явуулж байгаа арга хэмжээнд байгаль орчинд нөлөөлөх байдлын үнэлгээ хийх.

5.4. Ойжуулалт, ойг нөхөн сэргээх, ногоон байгууламжийг нэмэгдүүлэх арга хэмжээнд талуудын оролцоог хангаж, ойн нөөцийг нэмэгдүүлэх

5.4.1. Ойжуулалт, ойн аж ахуйн арга хэмжээг зохион байгуулах, ногоон байгууламжийг нэмэгдүүлэх ажилд олон нийтийн оролцоог нэмэгдүүлэх

5.4.2. Модны хэрэглээг багасгах, хорголон, үртсэн, шахмал түлш үйлдвэрлэх, импортоор орж ирэх мод, модон материалыг нэмэгдүүлэх

5.4.3. Аймгийн болон ой бүхий сумдын ойн менежмент төлөвлөгөөг шинэчлэн боловсруулж, хэрэгжүүлэх

5.4.4. Салхи, газрын гүний дулааны эрчим хүчийг хэрэглээнд нэвтрүүлэхийг дэмжих

5.5. Амьтан, ургамлын нөөцийг хамгаалах, амьдрах орчныг тэтгэх, ашиглалтын нөөцийг бүрдүүлэх

5.5.1. Амьтан, ургамлын тархац, нөөцийн судалгааг тогтмолжуулах, мэдээллийн санг бүрдүүлэх, хамгаалалт, зохистой ашиглалтын бодлогыг хэрэгжүүлэх

5.5.2. Амьтан, ургамлын нөөцийн ашиглалтыг ил тод болгож, нутгийн иргэдийн оролцоог хангах, байгалийн нөөцийн хамтын менежмент хэрэгжүүлэгч нөхөрлөлүүдийг чадавхижуулах

5.5.3. Зэрлэг ан амьтны амьдрах орчинг сайжруулах, биотехникийн арга хэмжээг зохион байгуулах

5.6. Улсын тусгай хамгаалалттай газар нутгийг өргөжүүлж, экосистемийн тэнцвэрт байдлыг хангах

5.6.1. Улсын болон орон нутгийн тусгай хамгаалалттай газар нутгийн хэмжээг нэмэгдүүлэх, хамгаалалтын дэглэмийг баримтлах

5.7. Байгаль орчны салбарын ажилтнуудыг ажиллах нөхцлөөр хангах, мэргэшүүлэх, хүний нөөцийг бүрдүүлэх

5.7.1. Салбарын ажилтнуудыг мэргэшүүлэх, нормын хувцас, бие хамгаалах хэрэгсэл, багаж, техник хэрэгсэл, унаагаар хангахыг дэмжих.

ЗУРГАА. БҮС, СУМ, ОРОН НУТГИЙН ХӨГЖЛИЙН БОДЛОГО

Дэд бүтэц

Зорилт 6.1. Эдийн засгийн бүсчлэлийг хөгжүүлж, орон нутаг, салбаруудыг дэд бүтцээр холбоно.

6.1.1. Бүсийн болон хил залгаа аймгуудтай хамтран ажиллах санаачилгыг дэмжих

6.1.2. Зарим сумдын хүчдэлийн уналттай хэсгийн цахилгаан хангамжийг сайжруулж, шаардлагатай сум, суурин, багийн төвийн цахилгаан дамжуулах шугам сүлжээ, дэд станцыг шинэчилж, үйлдвэрлэлийн бүсийн дэд бүтцийг байгуулах

6.1.3. Увс-Агро цогцолбор, Аялал жуулчлалын отоглох цэгүүд, баазын цахилгаан хангамжийг шийдвэрлэх

6.1.4. Цахилгаан эрчим хүч хэрэглэгчдийг ухаалаг тоолуурт, дулааны эрчим хүч хэрэглэгч байгууллага, аж ахуйн нэгжийг дулааны тоолуурт үе шаттайгаар шилжүүлэх

6.1.5. Хүн амын усан хангамжийг сайжруулж, сүлжээний ус зөөлрүүлэх төхөөрөмж суурилуулах

6.1.6. Улаангомын төв цэвэрлэх байгууламжийг шинэчилж, аймгийн төвийн бохирын шугамыг өргөтгөх, сумдын төвд бага оврын цэвэрлэх байгууламж байгуулах ажлыг үе шаттай хэрэгжүүлж эхлэх

6.1.7. Улаангомын зарим багт зорилтот бүлэгт чиглэсэн, иж бүрэн үйлчилгээний төвтэй орон сууцны хотхон, инженерийн шугам сүлжээ бүхий багуудад амины орон сууцны хорооллыг иргэн, хувийн хэвшлийн хөрөнгөөр барих ажлыг дэмжих

6.1.8. Улаангомын зарим хуучин орон сууцыг дахин төлөвлөх, нийтийн орон сууцыг иж бүрэн гадна орчны тохижилттой хотхоноор төлөвлөн хөгжүүлэх

6.1.9. Увс-Ховд аймаг, Улаангом-Увс нуур, Улаангом-Баруунтуруун, Улаангом зарим сум чиглэлийн хатуу хучилттай авто замыг барих, баруун бүсийн А-07, А-1702, А-18 замын дагуух сумдыг улсын чанартай автозамтай үе шаттай холбох ажлыг эхлүүлэх, зарим чиглэлийн авто замд их засвар хийх

6.1.10. Улаангом доторх хатуу хучилттай авто, явган, дугуйн замыг өргөтгөн, бүх багуудыг холбосон сүлжээг байгуулах, аймгийн төв болон сумдын гэр хороолол, гудамж талбайн гэрэлтүүлэг, ногоон байгууламжийг өргөтгөх, ашиглалтын менежментийг сайжруулах

6.1.11. Аймаг, сум хоорондын авто замыг сайжруулж тэмдэгжүүлэх, орон нутгийн болон хувийн хэвшлийн байгууллагуудтай хамтран, зам дагуу ногоон зурвас байгуулах ажлыг зохион байгуулах

6.1.12. Улсын чанартай авто зам дагуу түр буудаллах цэг, үйлчилгээний төв, авто зогсоол байгуулахыг дэмжих

6.1.13. Зарим голуудад гүүр, үерийн хамгаалалтын далан барьж байгуулах, орон нутгийн чанартай зам давааг засах, сайжруулах сум орон нутгийн чадавх менежментийг бий болгох

6.1.14. Сумын төв суурин газруудыг бүрэн хяналтын камерын системтэй болгох, аймгийн төвийн холбооны цамхагийг шинэчилэх, шуудангийн үйлчилгээг дэмжих

6.1.15. Сумын хөгжил төслийг хэрэгжүүлж, Улаангомын ус зайлуулах системийг шинэчлэх

6.1.16. Бүх нийтийн мэдээлэл, харилцаа холбооны үйлчилгээний өсөн нэмэгдэх хэрэгцээ, шаардлагыг хангах дэд бүтцийг байгуулж, хамрах хүрээг нэмэгдүүлэх

6.1.17. Улаангом сумын орон сууцны хороололд СӨХ-ийн менежментийг хэрэгжүүлэх.

Газрын харилцаа

Зорилт 6.2. Газрын харилцаа, геодези, зураг зүйн салбарын бодлого, төлөвлөлт, үр дүнд суурилсан хүн амын эрүүл, аюулгүй, ая тухтай орчинд амьдрах нөхцлийг бүрдүүлнэ:

6.2.1. Хаягжилтын нэгдсэн системийг аймгийн нийт нутаг дэвсгэрийн хэмжээнд зохион байгуулах

6.2.2. Газар өмчлөл, үл хөдлөх хөрөнгийн нэгдсэн бүртгэлийг нэмэгдүүлж, газрын шинэчилсэн үнэлгээ, төлбөр, татвар, биржийн системийг хөгжүүлж, үйл ажиллагааг нь эхлүүлэх

6.2.3. Аймгийн хүн амын нутагшилт, суурьшлын зохистой тогтолцоонд тулгуурлан бүсчилсэн хөгжлийн бодлого, бүс нутгийн оновчтой бүтэц, хөгжлийн ирээдүйтэй сууринг тодорхойлж, орон зайн төлөвлөлтийг хийх.

АПУ компанийн бөөний төвүүд хандив өглөө



Увс аймагт АПУ компанийг төлөөлж үйл ажиллагаа явуулдаг "Сансар өгөөж" ХХК, "Увс" ХК-ны бөөний төвүүд АПУ компанийн өрнүүлж байгаа "Хариуцлагаа нэмж хамтдаа давьа" аянд нэгдэж, нийгмийн хариуцлагынхаа хүрээнд Аймгийн Онцгой

комисст 200 мянган төгрөгийн үнэ бүхий эрүүл мэндийн ундааг өнөөдөр хандивлалаа. Мөн Увс аймгийн Онцгой комисст АПУ компанийн илгээсэн 300 мянган төгрөгийн үнэ бүхий дархлаа дэмжих сүүг хүлээлгэн өгсөн юм. Аймгийн засаг дарга бөгөөд Онцгой комиссын дарга Ч.Чимэд энэ үеэр АПУ компанид болон тус компанийн Увс аймаг дахь төлөөлөл болсон "Сансар өгөөж" ХХК, "Увс" ХК-ны бөөний төвийн хамт олонд баярласан талархсанаа илэрхийл, ажлын өндөр амжилт хүслээ.

Мерси Короос 5 сая төгрөгийн эд материалын дэмжлэг үзүүлээ

Дэлхий даяар тархаад байгаа цар тахлаас урьдчилан сэргийлэх ажилд зориулж “Мерси Кор Монгол” олон улсын байгууллагаас Увс аймгийн Онцгой Комисс, Онцгой байдлын газарт 5 сая төгрөгийн өртөг бүхий хамгаалах хэрэгсэлийн дэмжлэг үзүүлээ. Үүнд амны хаалт, бээлий 4000 ширхэг, хамгаалалтын хувцас 50 ширхэг, зайнаас халуун хэмжигч 40 ширхэг багтсан байна. Цар тахлыг даван туулах энэ хүнд цаг үед Увс аймгийн иргэдийн эрүүл мэнд, урьдчилан сэргийлэх ажилд хувь нэмрээ оруулсан тус байгууллагад аймгийн Онцгой комиссоос талархал илэрхийллээ.



Алба хааж буй цэргүүдээ эргэлээ



2020 оны нэг, хоёрдугаар ээлжийн цэрэг татлагаар цэргийн жинхэнэ албанд татагдаж Хилийн 0277 дугаар ангид хугацаат цэргийн алба хааж байгаа цэргүүдээ аймгийн ЗДТГ-ын дарга Л.Болор-Эрдэнэ, Цэргийн штабын дарга, дэд хурандаа Т.Тогтохбаяр нараар ахлуулсан ажлын хэсэг эргээд ирлээ.

Энэ үеэр цэргүүдийн алба хааж буй орчин нөхцөлтэй танилцаж, аймгийн Засаг даргын гарын бэлгийг гардуулан, аймаг орон нутгийн цаг үеийн ажил, цаг агаарын төлөв байдлын талаар мэдээлэл хийсэн юм. Мөн тус ангийн удирдлага болон Завхан аймгийн Засаг даргын Тамгын газрын

даргатай уулзаж санал бодлоо солилцлоо. “Увс аймгаас татагдсан цэргүүд бие бялдар, сахилга бат, хувийн зохион байгуулалт сайтай, цаг агаарын ямар ч нөхцөлд үүргээ сайн гүйцэтгэдэг, албаа нэр төртэй сайн хаадаг” талаар тэд сайшаан ярьсан юм. Мөн хил хамгаалах үүргээ амжилттай гүйцэтгэж, хилийн зөрчил илрүүлсэн нэг цэргийг Хил хамгаалах ерөнхий газрын “Тэргүүний байлдагч” цолоор, хоёр цэргийг “Онц хилчин” тэмдгээр шагнагдсаныг танилцууллаа. Тус ангид Увс аймгийн 19 сумаас хоёр ээлжийн цэрэг татлагаар цэрэг хугацаат цэргийн алба хааж, Монгол Улсын дархан хилийн энхийн манаанд үүргээ нэр төртэй гүйцэтгэж байна.

Аймгийн ЗДТГ-ын Цэргийн штабаас цар тахлын энэ хүнд үед Увс аймгаас цэргийн жинхэнэ албанд татагдан Зэвсэгт хүчин болон Хилийн ангиудад хугацаат цэргийн алба хааж байгаа цэргүүдийн ар гэрээс зорилтод бүлгийн 48 өрхийг сонгон тус бүр 50 мянган төгрөгийн үнэ бүхий хүнсний бүтээгдэхүүний дэмжлэгийг өмнө нь үзүүлээд байсан юм.

Тоо бүртгэлийн офицер, хошууч Ө.Соёмбо

Зүүн хойд Азийн орнуудын гар зургийн уралдаанд амжилттай оролцжээ

Зүүн Хойд Азийн Нутгийн Захиргаадын Холбооны гишүүн орнуудын сурагч хүүхдүүдийн дунд зохион байгуулсан 8 дахь удаагийн гар зургийн уралдаанд Увс аймгийн сурагчид амжилттай оролцсон байна. Тодруулбал, Улсын тэргүүний цогцолбор 1-р сургуулийн 12Б ангийн сурагч Б.Бужмаа “Монгол өв соёл” бүтээлээрээ 3-р байр эзэлсэн бол Ерөнхий боловсролын 6-р сургуулийн 12-р ангийн сурагч, Баруун бүсийн хүүхэд хөгжлийн төвийн зургийн дугуйлангийн суралцагч Х.Саруул амжилттай оролцсон өргөмжлөл гардан авлаа. Тэдний шагналыг аймгийн ЗДТГ-ын дарга Г.Болор-Эрдэнэ гардуулан өгч, сурлага хөдөлмөрийн их амжилтыг хүссэн юм.



Тус уралдаанд БНХАУ-аас 105, Японоос 22, БНСУ-аас 18, Монгол Улсаас 46, ОХУ-аас 132, нийтдээ 323 хүүхэд өөрсдийн шилдэг бүтээлээрээ оролцжээ.

Зуун настанд төрсөн өдрөөр нь хүндэтгэл үзүүлээ



Увс аймгийн хамгийн өндөр настан Н.Нугзай 1-р сарын 23-ны өдөр 100 нас хүрчээ. Аймгийн Засаг дарга Ч.Чимэд Малчин

суманд ажиллах үеэрээ Н.Нугзай гуайнд зочилж, аймгийнхаа хамгийн өндөр настанд төрсөн өдрөөр нь хүндэтгэл үзүүлсэн байна. “Н.Нугзай гуай их хөдөлмөрч, маш цэвэрч нямбайн дээр уран цэцэн үгтэй, нутаг усандаа хүндлэгдсэн малчин хүн. Олон жил мал маллахдаа баяд үүлдрийн хонин сүрэг бий болгохын төлөө хичээн ажилласны баталгаа нь түүний хань н.Басан, хүү Б.Буядаа нар нь Улсын аварга, сайн малчид болж байснаас харагддаг” хэмээн нутгийн зон олон нь энэ үеэр хэлж байлаа. Тэрбээр өдгөө Малчин сумын төвд үр хүүхэд, ач зээ, жич гучаа тойруулан олон түмэндээ ерөөл сургаалиа айлдан, эрүүл энх, сайн сайхан амьдарч байна.

Малчид 5 жилийн өмнө өндөр насны тэтгэвэрт гарч байна

Нийгмийн даатгалын сангаас олгох тэтгэвэр, тэтгэмжийн тухай хуульд нэмэлт, өөрчлөлт орж малчнаар ажиллаж тэтгэврийн даатгалын шимтгэл төлсөн даатгуулагчийн өндөр насны тэтгэвэрийн насныг 5 жилээр наашлуулан бөгөөд энэ хууль 2018 оны 01 дүгээр сарын 01-ээс эхлэн хэрэгжиж байна.

-Ямар нөхцлийг хангасан малчин өндөр насны тэтгэвэрээ 5 жилийн өмнө тогтоолгох вэ?

55 нас хүрсэн, нийт 20-иос доошгүй жил, үүнээс 15-аас доошгүй жил малчнаар ажиллаж тэтгэврийн даатгалын шимтгэл төлсөн эрэгтэй; 50 нас хүрсэн, нийт 20-иос доошгүй жил, үүнээс 12 жил 6 сараас доошгүй жил малчнаар ажиллаж тэтгэврийн даатгалын шимтгэл төлсөн эмэгтэй өндөр насны тэтгэврээ тогтоолгох эрхтэй.

Малчнаар ажилласан хугацааг хэрхэн тогтоох вэ?

-Даатгуулагчийн 1995 оноос өмнө малчнаар ажилласан хугацааг Хөдөлмөрийн дэвтэр; Хөдөө аж, ахуйн нэгдлийн гишүүний хөдөлмөрийн дэвтэр; Архивын лавлагаа; шүүхийн шийдвэр зэргийг үндэслэн; -Даатгуулагчийн 1995 оноос хойш малчнаар ажиллаж, нийгмийн даатгалын шимтгэл төлсөн хугацааг Үндэсний статистикийн хорооны “Мал, тэжээвэр амьтад, малын хашаа, худгийн тооллого”-ын жил бүрийн бүртгэлийг үндэслэн тус тус тодорхойлно.

Малчин-даатгуулагч өндөр насны тэтгэвэр тогтоолгохдоо ямар баримт бичиг бүрдүүлэх вэ? Малчнаар ажиллаж, нийгмийн даатгалын шимтгэл төлсөн малчин-даатгуулагч нь дараах баримт бичгийг бүрдүүлсэн байна. Үүнд: Тэтгэвэр тогтоолгох өргөдөл; Нийгмийн даатгалын дэвтэр; Иргэний үнэмлэхний хуулбар; Даатгуулагч 1995 оноос өмнө ажиллаж байсан



бол хөдөлмөрийн дэвтэр болон хөдөө аж ахуйн нэгдлийн гишүүний хөдөлмөрийн дэвтэр; Тэтгэвэр тогтоолгох 5 жилийн хөдөлмөрийн хөлс, түүнтэй адилтгах орлого, цалин хөлсний тодорхойлолт; Үндэсний статистикийн хорооны “Мал, тэжээвэр амьтад, малын хашаа, худгийн тооллого”-нд жил бүр хамрагдсан малчин өрхийн бүртгэлийн хуулбар; Малчин өрхийн гишүүний бүртгэл, баг, хорооны Засаг даргын тодорхойлолт; Эмэгтэй малчин-даатгуулагч өндөр насны тэтгэвэр тогтоолгох хүсэлт гаргасан тохиолдолд гэр бүлийн баталгаа, эсхүл архивын лавлагаа, шүүхийн шийдвэр; 1995 оноос хойш Нийгмийн даатгалын тухай хуулийн дагуу албан журмын даатгалд даатгуулсан малчин-даатгуулагчийн нийгмийн даатгалын дэвтрийн бичилт, баталгаажилт нь зохих журамд заасан шаардлагыг хангаагүй тохиолдолд түүний малчнаар ажилд авсан, чөлөөлсөн тухай тушаал, аймаг, дүүргийн нийгмийн даатгалын хэлтсийн архивын лавлагаа зэрэг болно. Өөрийн харьяа орон нутгийн сумын байцаагч болон Нийгмийн даатгалын хэлтэст хандаж, зөвлөгөө, мэдээлэл авах боломжтой.

Одоо л хичээе

/Сэтгүүлчийн таталбар/



Саяхан л бид хорвоо ертөнцийн эзэн аятай амьдарч байж. Харин өнөөдөр хөрст дэлхийн бөөрөнд тэнчиж ядан, эрүүл мэнд эрхэм чухлыг огоорч сууна. Үхрийн бөөр шиг алаг хорвоод хүн байхыг элбэг тансаг амьдрахтай ижилсүүлэн ойлгох нэгэн хүнд өвчний өмнө хөрөнгө мөнгө ч биднийг аварч чадахгүйг ойлгох шиг. Нэг л хүн.... хувиа бодсон, ухамсаргүй үйлдэл гаргахад улс орноо хүчгүйдүүлэх, бусдыгаа цар тахлын эрсдэлд оруулж болохыг ч удаа дараа олж харлаа. Дэлхийн хүчирхэг улс, гүрнүүд энэхүү аймшигт цар тахлаас болж хэдэн зуу, мянгаараа хүн амаа алдаж байгаа нь



харамсалтай. Гэвч сайхан цагтай учрах итгэл найдварын гал тээж, цар тахалтай хатуу тэмцэлдэж байна. Монгол улс цар тахлыг дотооддоо алдаад хэдэн сар өнгөрлөө. Өдөр ирэх тусам өвчлөлд өртөгсдийн тоо нүдний өмнө цагийн зүү адил урагшилсаар. Өнөөдөр унтаад сэрэхэд хэдээр нэмэгдсэн бол гэж сэрдэг болох вий дээ гэх айдас... Энэ бүхэн нөгөө л хэнэггүй, гүжирмэг монгол хүний ойворгон зангаас л боллоо. Амь насаа хайрлахгүйгээр хаа сайгүй л хайнга гишгэлсээр эрдслийг нэмэгдүүллээ. Сүүлдээ төр засагтаа бурууг тохож, хэн нэгний алдааг отож, амнаас гарах хэдэн үгийг хайр найргүй чулуудан алсаас ажиж сууна. “Увсад харин азаар цар тахалгүй намжмал сайхан байна” гэж ярих хэн нэгний үг ямар хувиа бодсон сонсогдов.... Бусдын зовлон хамаагүй мэт. Хэчнээн гэр бүл хүнд өвчинтэй нүүр тулж, өдөр хоногийг сэтгэлийн дарамттайгаар өнгөрүүлж байгаа бол? Чи хаяагаа хаацайлан хаа сайгүй гишгэлж явтал, улс орон чинь хэцүүдэх вий дээ. Цар тахлаас үүдэлтэй хүн бүрт мөнгө санхүү, ажилгүйдэл гээд тулгарч буй олон асуудлыг яалтай билээ. Өө яахав өнөөдөр бид идэх хоолгүй, өмсөх хувцасгүй, гэр оронгүй болтлоо ядраагүй болохоор нөөц боломжоороо тэвчээд нэг үзэхсэн. Ам амаараа уралдаж арсалдаад эцэстээ нөгөөх коронагаа бүр дэвэргээд орхивол яана. Тэгсэн хойно цөөхөн хүн амтай манайх шиг улс ёстой хэцүүдэх нь ойлгомжтой. Цар тахал бидэнд хатуу сорилт болж байх шиг. Сэлүүхэн энэ орчлонд гишгэсэн мөр бүхэндээ хянамгай, эрсдэл гаргахгүй байваас бид цар тахлыг ялан дийлэх нь лавтай. Оройтоогүй дээрээ гаргасан алдаагаа дахин давтахгүй л байя. Би гэсэн сэтгэлээс хамаарахгүй, бид хамтаараа гэсэн сэтгэлтэйгээр одоо л хичээх юм шүү.

Ж.Сансармаа

НЭЭЛТТЭЙ ДУУДЛАГА ХУДАЛДААНЫ ЗАР

Увс аймгийн Газрын харилцаа, барилга хот байгуулалтын газрын үндсэн хөрөнгөд бүртгэлтэй “Тоёота Ландкрузер-105 маркын автомашиныг нээлттэй дуудлага худалдаагаар худалдана.

Товч танилцуулга:

| | |
|---------------------------------|-----------------------|
| Автомашины марк | Тоёота Ландкрузер-105 |
| Улсын дугаар | УВХ 75-99 |
| Үйлдвэрлэсэн он | 2002 |
| Монгол улсад ашиглаж эхэлсэн он | 2002 |
| Өнгө | Саарал |

Дуудлагын худалдааны ерөнхий мэдээлэл:

| | |
|---|--|
| Дуудлага худалдаа болох хугацаа | 2021 оны 02 дугаар сарын 10-ны Лхагва гарагт 10.00 цагт |
| Дуудлага худалдаа болох газар | Газрын харилцаа, барилга хот байгуулалтын газрын хурлын танхимд. |
| Худалдах доод үнэ | Ландкрузер-105 - 5,000,000.00 (таван сая) төгрөг |
| Дуудлага худалдаанд тавих дэнчингийн хэмжээ | Ландкрузер-105 - Худалдах доод үнийн 20 хувь буюу 1,000,000 (нэг сая) төгрөг |
| Худалдах, худалдан авах гэрээний ерөнхий нөхцөл | Худалдан авагч нь дуудлагын худалдаагаар авсан эд хөрөнгийн үнийг 14 хоногийн дотор төлнө. |
| Дэнчин байршуулах данс | Хүлээн авагч байгууллага: Газрын харилцаа, барилга хот байгуулалтын газар Дансны дугаар: 100150029401 Төрийн сан Дансны нэр: Газрын харилцаа, барилга хот байгуулалтын газар Н.С |

Дуудлага худалдаанд хүсэлт ирүүлэх: Дуудлагын худалдаанд оролцох хүсэлтийг 2021 оны 02 дугаар сарын 10-ны өдрийн 09:00 цаг хүртэл ГХБХБГ-ын 204 тоот өрөөнд хүлээн авна. Хугацаа хоцорсон хүсэлтийг хүлээн авах боломжгүйг анхаарна уу. Дуудлагын худалдаанд оролцох хүсэлт нь зөв, цэвэр бөглөсөн худалдаанд оролцох хүсэлтийн маягт, дэнчин төлснийг нотлох банкны тамгатай баримтын эх хувь, иргэний үнэмлэх /хуулийн этгээдийн хувьд улсын бүртгэлийн гэрчилгээ/-

ийн хуулбар зэрэг баримтаас бүрдэнэ. Мэдээлэл авах: Увс аймаг, Улаангом сумын 7-р баг Газрын харилцаа, барилга хот байгуулалтын газрын байранд ирж үзэж болох бөгөөд мэдээлэл, дуудлагын худалдааны журам, дуудлагын худалдаанд оролцох хүсэлтийн маягтыг Газрын харилцаа, барилга хот байгуулалтын газрын www.uvs.gov.mn цахим хуудаснаас авна уу. Лавлах утас: 91217111, 70454830 Увс аймгийн Газрын харилцаа, барилга хот байгуулалтын газар

Зарын бичиг

| | | | |
|--|----------------------------|---|---|
| Улаангом суманд үйл ажиллагаа явуулдаг | 8192839 | тоот | регистртэй, |
| 1574001014 | тоот | улсын бүртгэлийн дугаартай | Увс аймгийн Мэргэжлийн хяналтын газрын Үйлдвэрчний эвлэлийн хороог татан буулгахаар зарлууллаа. |
| -Улаангом суманд ачаа тээврийн үйл ажиллагаа эрхлэн явуулдаг | 4016254 | тоот | регистртэй, 1511008131 |
| тоот | улсын бүртгэлийн дугаартай | “Цэнхэр хязгаарынхан авто транс” ХХК-ийг татан буулгахаар зарлууллаа. | |
| -Улаангом суманд бэлэн хувцасны худалдаа эрхлэн явуулдаг, | 4019245 | тоот | регистртэй, 1511010029 |
| тоот | улсын бүртгэлийн дугаартай | “Анандбазар” ХХК-ийг татан буулгахаар зарлууллаа. | |

Тендерийн зар

Увс аймгийн Нэгдсэн эмнэлгийн 2021 оны эм эмнэлгийн хэрэгсэл нийлүүлэх УВАНЭ 2021/01001 дугаартай цахим тендерийн зарим багцад өөрчлөлт орсон тул tender.gov.mn хаягаар орж дэлгэрэнгүй мэдээлэл авна уу. Холбоо барих утас: 94991881

Увс аймгийн Нэгдсэн эмнэлэг

Үүсгэн байгуулагч: «Эгэл» ХХК
Улсын бүртгэлийн дугаар: 1624
Эрхлэгч: Б.БАТХҮҮ
Утас: 99058211

Менежер: Б.Замбал /99007064/
Сурвалжлагч: Ж.Сансармаа /99452314/
Хэвлэл борлуулагч: О.Төмөрсанаа

Эхийг “Увсын өнгө” сонины газарт бэлтгэж, “Чөлөөт хэвлэл сан” сонины хэвлэх үйлдвэрт хэвлэв.

РЕДАКЦИЙН ХАЯГ:
Увс аймаг, Улаангом сум, Шуудан үйлчилгээний газрын 1-р давхарт.
E-mail: uvsuin_ungu@yahoo.com

“Увсын өнгө” сонинд хэвлэгдсэн материалыг ашиглах, дахин хэвлэхдээ сонины нэрийг заавал дурьдана.